

經部

周易總義卷十四

詳校官侍郎臣劉耀雲

通政使司副使臣其赔蒙覆勘

腾録監生 長 聯棟 校對官編修 E 盧 遂 總校官編修 E 王族緒

欠三日鱼 二六 THE WASSELL WITH THE 周易總義 乃萃 亂 宋 易被 撰

金月四月生 萃之成卦坤下允上澤上于地取水之所聚為萃 交居五而五除交從之則為比二爻大畧相似然 位而亦以陽剛承乎九五君臣合徳四隂交皆以 之九五爻以陽剛之徳中正在上九四爻雖不當 有所不可分故元永貞之辭獨歸于九五交惟萃 卦有元筮元永貞之辭萃卦有四五兩陽交君道 比交以九五一陽交為主乃人君比天下之道故 之義盖陽交居四五而四陰爻從之則為萃一陽 卷十三

次巴马車在馬 命也觀其所聚而太地萬物之情可見矣 享也利見大人亨聚以正也用大牲吉利有攸往順天 萃亨王假有廟利見大人亨利貞用大牲吉利有攸往 **彖曰萃聚也順以説剛中而應故聚也王假有廟致孝** 陽剛以為萃六交皆曰无咎者合上與下而同萃 五爻而不二于四三爻上爻雖无相應而亦比乎 相應相比為善初交應四交而同比于五二交應 于九五之一爻得所萃之道者也 用易總義

金河口是有量 廟則足以合聚人心惟九五交足以當之故曰王 亨者特所聚之亨而已王道 举天下之道至于有 萃之為言聚也以卦言之則坤順而允説以爻言 有之彖辭亦不及此 假有廟致孝享也天下既聚九五爻以中正為大 釋文馬鄭陸虞本萃字下並無亨字獨王肅王弼 人之德六二爻亦以中正往應之至此而後言亨 之則九五爻以剛中在上而六二爻應于下所謂

改定四重全 象曰澤上于地萃君子以除戎器戒不虞 萃以上卦光體為主光居西方剛勁之氣戎事也 言享矣 所聚而天地萬物之情于此可見此萃之所以兩 合天地鬼神君臣民物之所萃而歸之于一觀其 之後凡此皆天之所以命聖人者聖人順天之命 王假有廟之後利有攸往繼于利見大人亨利貞 故曰利見大人亨利貞聚以正也用大牲吉繼于 周易應義

初六有孚不終乃亂乃萃若號一握為笑勿恤往无咎 白いんせんとき 象曰乃亂乃萃其志亂也 宜有終然四五兩陽交而五交為君位四交乃大 亂之道寓之初交是謂不屢除戎器以戒之聖人 處萃之道者也 無應乃失衆馬故易以失衆之道寓之上爻以防 初六爻與九四爻以正應而萃有孚者也有孚則 下卦坤體為衆也除柔在下二陽統之而上六文

沙巴马草在事 從其志既亂是謂乃亂乃萃何也君道主乎一者 臣之位二位以陽剛居上而下為羣陰所萃令初 哉有何咎乎故曰无咎者也 握者合而為一所以笑也若能號四爻而與之為 所應當歸于九五之爻號者號呼而求所歸者也 爻獨應四爻則臣抗乎君所以不終不終則宜何 樂附于五爻而勿恤乎他則何所往而不濟者 則萃二則分四爻五爻雖同德相應而下之 周易總義

六二引吉无咎孚乃利用倫 白いといろと言じ 象日引吉无咎中未變也 主樂以和為善引衆陰同聚于五文而有至和感 文未免乃亂乃萃惟六二爻毅然以中道自立不 理然九五爻有九四爻以分其萃而初爻之應四 于五爻故曰引吉无咎孚乃利用稐者稐以樂為 為分其萃者之所變是以能引衆陰而與之同萃 一爻與五爻正應者也中正得位固自有相孚之

六三萃如嗟如无攸利往无咎小吝 **象曰性无咎上巽也** 卦光體在前為嗟故曰嗟如何所利哉然五爻互 通之意相孚之至者也 六三爻無正應而言萃如者何也三居羣陰之上 三爻為巽三爻在巽卦之下五爻在巽之上同徳 不中不正乃欲上比求萃而與五爻不相得又上

於 足四車全島

川易總義

相應徑而萃于五是以无咎然而未免小吝者五

九四大吉无咎 すりであるです | 象曰大吉无咎位不當也 則以陽居陽豈大臣之任哉以九四與衆除同並 爻之承而與初爻為正應民所萃者也上與下皆 萃所以大吉何咎之有象言位不當者何耶位當 于五而盡其所以為臣之道此位之不當乃所以 九四爻上比于九五爻君臣相萃者也下得三除 兩交非其應故也

九五萃有位无咎匪孚元永貞悔亡 象曰萃有位志未光也 者善補過而已其德為未孚于人故曰匪孚惟能 為虚器故五文必有其位而後可以言无咎无咎 **貳之所萃之權既分則五爻之志為未光而其位** 爻辭復言有位者何耶當萃之時四爻亦以陽剛 為大吉无咎也 九五爻以剛中居尊位為萃之主萃固有位也而

次巴日臣 在事

周易總義

上六齎咨涕洟无咎 金河口酒台量 象曰齎咨涕洟未安上也 洛兒澤為涕處當萃之時卦之六爻皆不嫌于求 未安其位而有齎咨沸減之象盖上文允口為齎 位而无匪孚之悔矣是以悔亡 反而求之益修其元永貞之徳元者善也永者 上六爻居九五爻之上獨立无應失萃之道所以 久也貞固而不變者也守此三者則徳足以有其

次巴马巨丘馬 升 萃惟齎咨涕減而求萃于五爻雖曰未安乎上亦 主下卦之初爻故必假初爻以發升之義自是而 **外之成卦巽居下坤居上上下皆順以順而升正** 可以无咎 升真 坤 階升 岐山 邑 字 周易總義 巽 下 升允 t

金元人口人人 伐而升故言升虚邑渴武之事也至于五爻言貞 **屬升之道考序卦之說則升繼于萃繼升者因聖** 吉升階上爻言冥升利于不息之貞又所以推明 **為舜禹之事也三爻以陽剛進乎上為失民以男** 故爻解不言升而言亨于岐山文王之事也二爻 往與上合志則有陽剛之可以升者有陰柔之不 以陽剛應五爻君臣相孚以揖遜而升故言利用 可過于升者四爻以柔順近君之位不可過于升

沙巴马和台事 **录曰柔以時升異而順剛中而應是以大亨用見大人** 勿恤有慶也南征吉志行也 升元亨用見大人勿恤南征吉 内巽而外順九二爻以剛中應乎五爻亦自下而 卦異體也二爻三爻以陽剛在下卦之上有可升 之道故必假初交以明時升之義論卦之全體則 **升者升乎上者也凡升乎上必自下始盖升之下** 盡始終之道善用升者哉 周易總義

金石口地自 **象曰地中生木升君子以順徳積小以髙大** 坤在上為南行升卦亦以卦在上為南征取坤體 **升是以卦謂之元亨而彖謂之大亨時可以升故** 此南征所以為吉南征者向乎明而已明夷卦以 言用見大人易以陽為大大人者二爻三爻之陽 **升志得以行亦六五爻之所謂大得志者也** 刚是已有可升之道則勿恤乎他而有自然之夢 之中爻言之而又居六五之中是謂大明以此時

次三日日日 初六允升大吉 象曰允升大吉上合志也 高大如地中生木自萌蘖而拱把自拱把而合抱 端于初爻是謂允升允者信也言其相孚而合志 其積已漸故謂之順 坤為地順也異為木亦順君子體其順徳積小以 初六爻柔順在下未可以升也而一卦之主實奏 也所謂合志者四文非其應以柔順近君不可過 周易總義

金月四月分書 六二字乃利用為无咎 象曰九二之乎有喜也 為異體初能上合二三之志而與之相信此允升 于外惟二三兩陽交其升為易而又與初六爻同 之所以為大吉也 上非二爻之剛柔相濟故二爻以剛中孚于五五 夕 小以柔中乎乎二君臣相得是謂有喜考其文 二三爻皆以陽剛而外者也三爻重剛居下卦之

次に日長亡時 九三升歷邑 象日升虚邑无所疑也 義乃舜禹之事故爻辭不言升而言孚乃利用禴 升卦上三爻坤體為土為泉衆之所聚則為邑三 升其升也易即彖辭所謂剛中而應者也 夫禴以樂為主樂以和為貴至和相孚以揖遜而 九三爻重剛者也爻言升虚邑上失其衆人心歸 之以陽剛而升如入無人之墟故日升虚邑也盖 周易應義

六四王用亨于岐山吉无咎 金写中月月月 象曰王用亨于岐山順事也 皆以此爻為湯武之事深得分爻之本旨方夏殷 亨讀作享義見随卦 義而行何疑之有所謂升虚邑男伐而升者也 交皆陰陰消為虛又為邑之虛者李元量耿希道 之季民墜塗炭皆欲赴想其上征葛戡黎之師順 六四爻以陰柔得位而在順體之下有順而升之

順之至也 順而積之異異小心交通神明故言王用享于岐 為西山三者皆泛而言之四交亦互為西持言享 不越乎四此所以處近君之位而至于吉且无咎 于岐山其惟文王乎盖文王之心上以順事乎君 小畜卦小過卦以互允為西郊隨卦以上六允體 理即王用享于岐山之意自周而言岐山在西如 山至此不可復升故爻辭之中不言升而其位終

次足四東全島

周易總義

金にというという 六五貞吉升階 象曰貞吉升階大得志也 六真升利于不息之貞 體而嗣非升階之義若舜禹則功德被乎天下為 諸天而升者湯武則以仁義去民之害順乎天而 故以階言之也 **外者是二者其志大得皆以貞而吉其升有次序** 五君位也凡人君之位乎天位者所升為不一 繼

次三日日白書 国 象曰冥升在上消不富也 虚變為冥乃乾居西北之時斯謂之貞以物言之 有默進此道而已故曰冥升盖上六爻為坤之終 上六者升之成也升至于上乃不可復升之地惟 則消而不息是謂不富以道言之貞後于元始終 不窮利莫大馬故曰利于不息之貞 周易總義 下

金为中心与重 免乎因也九四文之困于金車而有終九五文之 揜之義而困為甚卦自否變上九爻降而為二陰 困之成卦允居上坎居下凡卦之遇坎者皆有剛 困于赤紱而有説九二爻以赤紱方来而利用享 爻之困于蒺藜上六爻之困于 葛藟言陰柔之未 所揜所以成困考其爻義六爻之入于幽谷六三 困チ 护] 來徐 石 酒食

彖曰困剛擀也臉以說困而不失其所亨其惟君子乎 次已日東台事 貞大人吉以剛中也有言不信尚口乃窮也 困亨貞大人吉无咎有言不信 范諤昌曰录文脱无咎二字 吉困極則能變矣如否之有泰雖險而終有濟也 此困而不失其所言者歟 四五交皆不言吉陰柔未免乎困而上六爻獨言 祀言陽剛之不可以終因也陽剛不可終因而二 用易總義 圭

白アルガル 是以吉且无咎是知大人者乃亨困之主而君子 中則專指二爻五爻謂二五兩爻堅守剛中之德 困之道自取之也君子不幸而遭困乃莫之致而 則善于用因者若小人不知命則不務德而於于 乎坎險之中是以君子不失其所可君子之與大 至于是乎有命存馬當剛擀為困之時以允說行 困卦之為義有君子之因有小人之因小人有致 人果有異乎卦辭置貞字于大人之上而录言剛

次已日月白島 象曰澤无水困君子以致命遂志 澤未當无水而謂之无水者水在澤下伏而不見 徳之辨也 岩君子非言之貴而德之貴此大傳所以言困者 惟君子順而受之知其不可至而聽其自至馬故 與无同也君子之困即澤无水之義非命而何也 **允為口而陰在上而以辨給為似者小人之事也** 言尚口乃窮不能以取信于人故曰有言不信豈 周易概義

初六臀困于株木入于幽谷三歳不覿 金人口人口人人 象 日入于幽谷幽不明也 四文允體如夫之九四亦以允體為臀之象凡行 此卦凡爻之下先言困字者謂本爻也困之上加 平常之理也哉 已志行而道不屈困之所以亨也澤无水田豈其 以别字者謂應交也初交言臀因盖指九四交九 日致命致命者修身以俟命也凡以遂我之志而

九二困于酒食朱級方来利用亨祀征凶无咎 炎三日年在告 ~ 象曰困于酒食中有慶也 必出坎之三爻而後可以有濟也 明在坎體之下則為入于幽谷是以三歳不覿言 爻既受困又不應初爻而初爻之陰柔在坎為不, 為究金所毀折有困于株木之象株木者无枝葉 之木兒正秋之後草木黄落僅存其株而已九四 以臀為主固所籍以拯困者而九四爻互巽之木 周易總義 芨

易于凡卦有坎體者多言酒食九二爻以坎水居 来求于九二爻故二爻言利用亨祀而五爻言利 用祭祀夫祭祀則天子以天地為主亨祀則諸侯 **級者天子之服也謂之方来者則九五交以同德** 斯干言朱芾斯皇鄭氏謂芾者天子純朱是知朱 有朱級方來之慶也考之文義自外而內曰来又 于酒食惟其剛中自守而五爻以同德相與是以 允澤之上為二陰所揜雖中而未能出險故言困

イゴルクロノ人

次巴马尾在事 六三困于石據于蒺藜入于其宫不見其妻凶 象曰據于蒺藜乗剛也入于其宫不見其妻不祥也 而情不相與故言困于石言如石之無情而至堅 退皆無所適冒險而動欲之乎外則二陽文雖比 六三文陰柔在坎體之上而二陽文居其上下進 與之至當是時也盖五爻可来而二爻不可往是 以征凶惟其剛中故雖凶而无咎 以宗廟為主二者皆交通神明之禮益見君臣相 周易觀義

九四来徐徐困于金車吝有終 金分口人有量 象曰来徐徐志在下也雖不當位有與也 傷故言據于蒺藜言如蒺藜之傷乎物而不可據 者也欲之乎内則九二爻以陽剛已承之其末必 其妻官指三謂本位之剛也妻指六謂本體之柔 者也内與外既兩失所倚遂乃入于其宫而不見 也入于其宫而不見其妻凶名辱而身危不祥莫 大馬是小人之不善慶困如此

次巴田東台等了 九四劓刖困于赤故乃徐有説利用祭祀 象曰劓刑志未得也乃徐有説以中直也利用祭祀 矣知其本專從正應雖不當位以有與而終濟是 爻隔于金車而未能從乎初故言于金車各亦甚 體為矯縣為弓輪而陽剛為金有金車之象馬四 爻雖正應陰柔無位而二爻以陽剛居其上二坎 困上加来徐徐三字而象言志在下指初文也初 以謂有終者也 周易總義

金月中人人 受福也 受困其志未得故言困于赤紱采菽言赤紋在股 尚往惟二爻以中直在下而五爻以允說在上所 陰之中上為三爻所則下為初爻所則則二爻之 困上加劓刖二字指九二爻也二爻方見拚于二 而毛氏以為諸侯亦带則赤紋者諸侯之服也乃 以乃徐有説相説所以相濟故五爻言利用祭祀 二爻之所當服者言困于赤紋則陷于坎險不能

大三日日かけ 上六困于葛萬于縣晚曰動悔有悔征古 黎日困于葛藟未當也動悔有悔古行也 柔揜剛為困剛固因矣柔亦病馬上六文居一卦 是受福国而不失其所亨者也 委之命馬不過自為之謀曰動而有悔則誠有悔 亦二爻言利用享祀之意至誠相與二五爻皆以 在上為草如葛繭之繫于木其勢縣呢不安若是 之終有困于葛繭之象盖五爻互異為木以柔體 周易穗蓑

金江口母自書 赵国之所以有亨者也 吉也後告之以吉行者言知吉則行也此致命遂 理惟貞則可以獲古先告之以征古者言能征則 何動之有吾求以尚安而已不知困極有必通之 胶 坎 浪寒 ŀ 覧 渫 巽 谷 泥

衰之理所以為六爻之義初爻之井混不食二爻 坎之卦氣行乎十一月故月令曰水泉動此陰風 然之象也異之卦氣行乎八月故月令曰水始涸 而為清潔之水四文為井戴則繁井之谷而為停 井之成卦巽居為下卦坎居為上卦以木巽水自 之井谷射鮒此廢井也三爻為井渫則渫井之浞

欠い可見人子

周易總義

蓄之水至五爻之并冽寒泉食上爻之井以勿慕

斯足以見井養不窮之利也白雲郭氏曰水岩在

· 最日異乎水而上水井井養而不窮也改邑不改井乃 其瓶凶 井改邑不改井 无喪无得往来井井汔至亦未觸井羸 金牙口目有書 以剛中也完至亦未編井未有功也贏其瓶是以凶也 **晁古易按徐氏录文改邑不改井下脱无喪无得** 下與坎卦居上之大旨也哉 往来井井二句范諤昌巽乎水作巽乎木朱子發 下則為無用若在上則出而有功矣其盡異卦居 卷十三 歌巴四道 衆之所聚衆有登耗故天下有可改之邑而井則 井卦繼于困卦之後澤无水困命也澤无水而井 坎陷巽水而上乃汉井之象也有井則有邑邑者 所陷乃并水之象也上卦坎下卦異異為木入乎 陰文在外為險乃井之象也一陽交在內為二陰 則有水是有性存馬以卦录推之坎卦之三爻二 喪无得往来井井養而不窮也 作巽乎水而上水井改邑不改井乃以剛中也无 周易總義

またした人工 編井贏叛之象作易者以與因卦相為表裏故示 来非非之義則亦自盡其性而已卦之交義本無 泰卦来初爻之一陽升五爻為井則剛中主乎九 其在我汽者幾也緣者便也汔至亦未緣井中道 而為初文在井亦無所喪而君子體无喪无得往 居其所而不遷彖辭乃以剛中言之何那井卦自 五爻矣初爻性而為五爻在井既無所得五爻来 人以性命之理致命者聽其自至而盡性者當求

泉曰木上有水井君子以勞民勸相 政官四長を事べ 惟深究其并養不窮之義而後可以言君子盡性 而勞之春耕秋敛之時君子以其不失時而勸相 居其所而不遷當出作入息之時君子因民之勞 地之法九夫為井四井為邑邑則無定取而井則 木上有水者汲水之井也古今因取井象而為井 之道也能知性命之說則知困卦與井卦之義也 而廢故言未有功贏其瓶則又甚馬者夫是以凶 用易總義

初六井混不食酱井无禽 自一万里人人人 象日井沒不食下也舊井无禽時舍也 井不食邑為无人矣禽得而犯之令謂之无禽則 猶有人馬舊井可治一時而舎未可求廢此君子 初六爻井之下體也初之陽升為五為井冽寒泉 而不窮之義也夫 之食井則五之陰降為初為井混不食之舊井舊 之是井地既有養人之功矣而勸相之此亦井養

人にうらんだり 九二井谷射斛甕敞漏 象 日井谷射鮒无與也 **扑贵乎上出也今謂之谷則下注井穴射鮒而已** 毀折為敝漏位在坎下為谷言其無上出之功也 **敝漏之象盖井卦五文之土下居初交為甕五允** 所以貴乎修性也 上無相與之情則就下而比于初有井谷射鮒甕 二爻本應五爻者也陽剛自初升五豈相與者哉 周易總義 Ī

金分四月分書 九三井洪不食為我心測可用汲王明並受其福 象曰井洪不食行側也求王明受福也 鮒墓也射水所注也水雖下注猶可汲取而汲水 及習于下乃自戕其性者也 而不能或出井之功宜乎中人之性本可語上而 之甕妝漏无用其終于无所用耶夫二爻以剛中 九三文以異體潔齊為井洪洪者治也治其穢濁 而為清潔者也非渫不食乃能自治以待其用必

シスコンコララ ハナラ 六四井絮无咎 象曰井然无咎修井也 盡其性修徳以待用之義也 則行而已是以兼善天下而並受其福此君子自 六爻正應也上比于五在坎中未能汲三而三至 五為互離故爻言王明而象言求王明求非君子 有為我心惧者我乃九三自謂也為我心惧者上 之志王明在五爻而上六爻汲引故為可用用之 問易總義 Ŧ,

金分四月至書 六四爻已離異體而入于坎體是言井繁无谷何 誠之義矣何咎之有哉此所以見君子自守而不 患人之莫汲而患已之莫修已之不修井之咎也 用之井四文居坎之下泉溢而湧将以上出故不 失其正者以此也 令以井凳為修井則護清潔而防穢濁有開邪存 不修非初交之在下者乎自二爻至三爻猶為無 也發為瓦裏坤卦五爻之土下居于初爻則瓦裏

Property of the Party of the Pa

沙巴马車全馬 九五井冽寒泉食 象日寒泉之食中正也 井以上出為功利未及于人至上而後為元吉此 之三陽交為水九二爻中而不正則謂之井谷九 位北方為寒故言井刻寒泉泉以中正言之者卦 而陽水上出乃井養不窮之利然言食而不言古 九五爻以九居五即泰之初九升而尚井者也其 三爻正而不中則謂之井洪惟九五爻位乎中正 周易總義

日にアロスノアリー 上六井权勿幕有孚元吉 象曰元吉在上大成也 敬覆也盖君子之道必先盡其性而後能博施以 井卦以上出為利五爻雖可食而未及于用至上 致用不能廣其利以濟人則雖成猶未成也故言 六爻則并道之大成者也以者以緣也勿幕者勿 君子博施致用而先盡其性者也 井収勿幕然必有孚而後元吉在上非指上六爻

REAL PROPERTY AND ADDRESS OF THE PERSON NAMED IN		 	Name of the last	THE OWNER WHEN	-
次已回复之情				元古之道者也	九五爻中正
周易總義				地	九五爻中正而寒泉之食至此有孚是謂大成盡
美					有乎是謂士

周易總義卷十三			-	なられていたとう
Company of the Compan		,		老十二二
P. Transport				

大小可且 Aint 掌 欽定四庫全書 周易總義卷十四 下經 兑 上 就三 周易總義 離 乃巳 第日 下 黄聚 牛用 宋 易祓 撰

金月四月 自 **章之成卦離在下允在上澤火相變為章之象章** 中正得君可以有為故言已日乃幸之伊尹就商 故言聲用黃牛伊尹耕華大公釣渭之時也二交 **录言汤武革命乃幸道之大者初交不可以有為** 者變也黄帝堯舜氏以来變通不窮皆草之義而 夏及商之事爻辭皆言有孚者幸而當者也上爻 太公歸周之時也三文言三就則升陑孟津之役 四爻言改命則南巢牧野之舉五爻言虎發則草

大三日豆 二十四 **彖曰茕水火相息二女同居其志不相得曰茕已日乃** 幸己日乃孚元亨利貞悔亡 矣哉 地華而四時成湯武幸命順乎天而應乎人華之時大 孚章而信之文明以說大亨以正幸而當其悔乃亡天 色之類无非通變之道幸之貴乎時義者如此 言貞凶居貞吉則都毫都錦之後濟其幸之過者 也其他如不相襲禮不相沿樂以至改正朔易服 周易總義

金丘四月子書 **革卦之上體允為澤非水也而表言水火者火不** 宜幸而當其悔乃可亡也表後以天地之成四時 宜居澤水之下取水火相息之義而已亦允離二 卦表言之文明以説所以釋革卦上下二體之義 能使人之遽信俟其已日乃孚非華而信者乎以 為澤水所變故日革然聖人之有所革于天下不 也大亨以正所以釋章卦元亨利貞之義也是以 女同居而志不相得之意盖離火至正秋之兌則

次にり自然かり 象曰澤中有火草君子以治歷明時 差有法章之而後當所以推明天地章而四時成 **時日躔于虚至周已躔于牵牛其後躔于南斗歲** 之度每歲有差莊命義和歷象日月星辰昴中之 澤中有火者天地草之義也治歷何取乎幸日行 則知章卦之所以為大者也 之大義者也 湯武之順天應人以推明幸之時義知時義之大! 周易應義

初九鞏用黄牛之草 金石区屋台書 象日 華用黄牛不可以有為也 **幸卦之初九爻陽剛未中乃不可以有為之時故** 戒之以奪用黄牛之革此皮草也借用具義等者 自用故曰聲聲則自外而来于內與適卦之六二 德何以言 于初九爻初九用六二之德而不敢以 固也黄者中色也牛者順物也中順者六二爻之 爻同辭通言于下卦之中而幸言于下卦之初初

火の日日から 六二已日乃幸之征吉无咎 象曰已日堂之行有嘉也 是以行則有嘉盖君與臣相得往古自可无咎尤 柔相濟于是乎可以言華矣然臣道不可先乎君 者九五爻以正應在上待其已事之日而往應馬 光平君則咎所由生故已日乃章之言章之已日 六二爻柔順中正臣道之善者也上應九五文剛 則尤不可以有為者也 周易總義

金分四月至書 九三征凶貞厲幸言三就有孚 象日草言三就又何之矣 草卦之道至為善者也 者也上六交為正應有孚也有孚則章之而當又 稽之于 聚亦云可幸故曰幸言三就三陽数之老 至危守以貞固亦為貞厲然離之體在下初文不 九三爻以陰居陽位過中妄動其征必凶其道為 可以有為二爻于已日乃章之三爻則章之而就

とこうとという 九四悔亡有孚改命吉 象日改命之吉信志也 澤火草之際其動也幸而當悔亡矣是以下與初 **幸卦六爻之中惟九四爻不當位宜有悔也而居** 志既孚于人而後可以言改命改命即革命之義 **六爻相應上與九五爻相比上下交信為有孚其** 以互乾卦之體為有孚 何之馬言其不可舍是而他有所之已上三交皆 周易總義

到定匹库全書 九五大人虎夔未占有孚 象曰大人虎變其文炳也 改命于有孚之後上與下信其志所以為吉也 **幸卦九五爻言大人亦猶乾卦九五爻之言大人** 卦之體為命當草卦上下之變則為改命之象也 也易之取義不一故不言草而言改九四爻互異 之象均是大人也而象則異亦各因其持而已盖 也乾卦于五爻有雅龍之象幸卦于五爻有虎變

かいいいののかい 上六君子豹變小人革面征凶居貞吉 **象曰君子豹變其文蔚也小人草面順以從君也 幸之上卦允體允西方為虎變下與六二文為應** 六二居離體之中柔順而文明其文炳然惟章之 文已炳然至于上爻则人心從化在君子則下大 與二爻四爻之有爭異矣 上六爻草道之成者也草至于五爻大人虎變其 大人足以當之當草之時固不待占而已為有孚 周易總義

鼎 順從之義當是時也何草為哉若復給更是謂征 與君同向為成文之美小人本與君不同向亦為 此持盈守成之交也哉 凶矣惟能與天下相安而歸乎常所以居貞而吉 向道以正王面故曰面面取乎所向而已君子本 等謂之豹變其文茂家故曰蔚小人則回心 離 巽

次已日 自自 皆實象明之今鼎卦之六爻初交言鼎顏趾則以 鼎之成卦異居下離居上取象于鼎者也易之諸 卦皆言象近取諸物以為象者鼎與井而已井卦 爻在下卦之上為鼎耳 草四爻應乎下卦之初爻 除柔在下為足二文在下卦之中位為鼎有實三 以木巽水鼎卦以木巽火二卦皆以養人為義故 转玉 耳 黄 足折 革耳 周易應義 岢 有 趾顛

录曰鼎象也以木異火亨飪也聖人亨以事上帝而大 鼎元吉亨 金河口是石里 為鼎折足三者皆以陽剛在中為腹五爻言鼎黃 節為每全體皆具而後足成鼎之用也盖鼎卦之 與井卦其用在五爻而成功皆在上爻井之卦至 吉皆所以全養人之道以溥利者也 上六爻而後為元吉鼎之卦至上九爻而後為大 耳則以柔居中為耳上爻言鼎玉鼓則以剛柔相 MARKET SERVICE SERVICE

飲定四車全書 四 剛是以元亨 亨以養聖賢巽而耳目聰明柔進而上行得中而應乎 亨不知元古之道者也表為之推廣其象異木居 貴乎質故其禮為亨大亨以養聖賢則人事貴乎 離火之下以水異火也異下也以木下于火亨飪 鼎卦繼于幸卦之後故初交利出否否道既幸鼎 之象也惟聖人為能極其用亨以享上帝則天道 而新之斯謂之元必元吉而後可以言亨物之不 周易總義

象日木上有火鼎君子以正位凝命 巽来柔進而上行于五爻五爻以柔得中而進乎 文故備其禮而為大亨又上卦離為目五爻為耳 牧鑄鼎象物三代傳之以為有國者之大寶鎮離 木上有火離與巽成體乃鼎之象也禹之貢金九 之功至是而後言元亨則吉亦在其中矣 九二爻之刚中君臣以中道相孚而成革故鼎新 下巽巽也自下而上故言巽而耳目聰明蓋卦自

次巴马巨人等 初六鼎顛趾利出否得妾以其子无咎 象曰鼎顛此未悖也利出否以從貴也 體在下命也必有大寶而後可以凝異申之命至 體在上位也必有大寶而後可以正離明之位異 趾反居上顛趾之象趾顛則鼎覆各也于義為悖 位凝命之大旨也 初六文居卦之下為鼎趾仰而從四文之正應則 于武王乃遷鼎于維邑周公遂定鼎于郟郁皆正 周易總義

九二鼎有實我仇有疾不我能即吉 金に人とったる言言 陽文在前為子長子主器正鼎之象亦子貴賤妾 從貴則雖顏趾而未悖易以陽為貴陰為賤初交 新者必去其穢故者否者故穢之物也利出否以 四文之正應子也出否從贵者也是以无咎 之應四爻以賤從貴者也異在互允之下為妾三 今象言未悖者何也盖鼎當致用之始欲取其潔 之義又初爻之除柔妾也颠趾而未悖者也卜 尽卜四

象曰鼎有實慎所之也我仇有疾終无尤也 去五尚遠其間必有梗其進者春秋傳曰嘉耦曰 為虛六五爻陰柔而虛其中九二以陽剛應之則 爻其怨耦數三四爻以陽剛不中之才見阻于上 **虚者實矣故曰鼎有實然二爻五爻雖正應而二** 九二爻鼎之腹也正應在六五爻易以陽為實陰 下交際之間二爻將索之何哉惟謹其所之不容 她怨耦曰仇以六五爻言之二爻其嘉耦而三四 周易懷義

金分四月全書 九三門耳草其行塞雄膏不食方雨虧悔終古 象曰鼎耳 学失其義也 謂六五爻正所謂運鉉而達其腹之所容者惟上 君臣相得斯謂之古者歟 於九二爻六五爻自然相應亦無所取于我也乃 悦以能随亦不輕躁而冒進二爻亦乗剛在上五 **允體為毀折是謂我仇有疾不我能即矣其終至** 九三爻亦鼎之腹宜有實者也而曰鼎耳草者耳 卷十 THE PROPERTY OF PERSONS ASSESSMENT

No. 10 me letter 九四鼎折足覆公餗其形渥凶 體順乎五爻陰陽相濟有至和將雨之道此所 則烏能无悔然君子處已之道要使美實備于我 無所用力于其間實在其中美如雉膏誰得而享 而 之耶上卦離明為雉膏互允口在下為不食不食 **虧其始之悔而終以獲吉也** 无正應失陰陽相濟之義則鉉塞不行而五之耳 不計其行之通與塞及其終三交與二交以同 用易炮篾

多定四库全書 象日覆公使信如何也 也而可以覆餗敗事也宜乎刑之至于渥則其凶 四爻近君位為公之象也公為上所委任信如何 已過于滋而乃以陽剛之才求應于初交初爻趾 九四交亦鼎之腹宜有實者也其實在二陽之上 云古文作渥 已顛而四交互兌為毀折故日則折足覆公飲盖 九家京荀虞以形為刑以渥為劉重刑也音屋諱

Kan Jin Kith 六五鼎黄耳金銓利貞 象曰鼎黄耳中以為實也 六五爻為鼎黄 耳黄取中色所以虚中受實為鼎 而言于六五文者謂六五文以中處居無為之地 外貫耳以舉鼎者乃鼓也上九交以剛陽為金經 可知矣折足可乎哉 而来上九爻剛實之助也以貞為利君臣相正之 之主然在鼎之上受益以舉鼎者乃耳也在鼎之 問易總義 ţ

金丘匹庫全書 上九鼎玉鉉大吉无不利 象曰玉鉉在上剛柔節也 鼎之外勇于從五以成運動之功六五以柔中而 茶如玉之剛柔有節故曰玉鼓鼓之為用一而已 資上九之陽剛故曰金鉉金鉉者取其剛而已未 義得矣 足以語其徳之全也至上文處一卦之外以剛履 上九交居鼎之極而在趾腹耳之外乃鍾也鼓在 表十四

火三日前六十二 震 震者動也一陽動乎二陰之下為雷之象合卦之 交以成運動之功然功成矣而不居其功所以大 吉而亦無所不利者也 在上交為鉉在五交為金鉉至是而後見其佐 索索 震 厲往來 泥遂 蘇蘇 周易燠義 震 偶來 虩虩 1

金片四月至書 六三爻去震為遠故言震凝賴而无青上六爻去 往来属笑言啞啞也故无喪此先喪後得之義也 六五文言震往謂前震往矣後震後来也二近乎 前懼後喜之義也六二文言震来謂前震之来也 故觀觀九四交後震也後震人所暇豫故啞啞此 初之震五近乎四之震最近則最危故皆以利言 之然二之震言来厲震来褫穢也故喪貝五之震 二體則為存雷震初九爻前震也前震人所驗懼

主也 震驚百里驚遠而懼通也出可以守宗廟社稷以為祭 **录曰震亨震来號號恐致福也笑言啞啞後有則也** 震亨震来號號笑言啞啞震驚百里不喪七鬯 というちょう 震亦遠故言震索索而无咎此又玩則招禍恐則 先而修省于後其用震之道者歟 致福之義也卦中六爻之義取象洛雷則是恐懼于 王的素按徐氏云出字上脱不喪七鬯四字 周易聽義 占

金丘四月全書 養不發之貌震之方来而顧慮不安者乃所以為 莫知所自可以為後之則此以後震論四爻也然 女上文所震也號號者顧慮不安之貌啞啞者笑 驚百里之威所以言吉四爻之遂混者亦初爻之 致福之理此以前震論初交也震之往来而笑聲 震卦之所以言亨者初爻與四爻也二爻三爻五 震謂之長男其象為雷雷乃發聲之時初文有震 四文之遂混不如初文之吉者坤一索于初而後

Karia Serie 象曰洊雷震君子以恐懼修省 **鬯謂 秬鬯鬱鬯灌地以求神之出皆長子主器之** 喪七鬯出則可以守宗廟社稷乃所以發明震軍 象二爻居中正之位惟以恐懼致福所以喪貝五 济者如水将至習坎之義重也重云者上下皆震 之義也 交得中而處尊位惟其後之有則所以无喪此不 餘威而已騰遠者謂五爻也懼適者謂二爻也七 周易總義 支

金月四月分書 初九震来號號後笑言啞啞古 **黎曰震来號熊恐致福也笑言啞啞後有則也** 震者長男之卦也以初交為主故初交與卦皆言 問斷以自己也 懼耳四爻為後震後有則也所以貴乎修省耳然 故曰将雷震初交為前震恐致福也所以貴乎恐 必有取乎済震者欲君子之恐懼修省不敢 震來虩虩笑言啞啞其詞雖同而其時不同盖卦 日日

とこうシーニーラー 六二震來 属億喪貝蹄于九陵勿逐七日得 象曰震来属乗剛也 為初爻之號號發義自二爻至上交皆不言言而 字則知後字乃上卦之九四爻特舉九四之照照 有則故于初爻發明古之義也 初文之獨以吉稱國本所關以恐懼致福而後遂 以全體言故喜懼同時交以各體言故前懼後喜 以初爻本無啞啞之象于笑言字上獨加後之一 周易總義 ţ

金定四月全書 六三震瓣瓣震行无音 厲未免喪其所有耳古者實龜而貨貝貝之為貨 當于所位故馬耳 日者卦中之六爻周而復始故言七日可得以其 于九陵所喪何其多耶惟二之長男柔順中正能 以恐懼自守雖有所喪初不必逐七日可得矣七 二文次于初交乗初文之剛故言震来屬震方来 所資者也今喪貝及十萬之數且極其高遠齊

大二日日本 九四震遂浞 **象曰震蘓蘓位不當也** 象曰震遂冱未光也 不當位故曰稱稱言神氣緩散而不伸也當前需 九四爻後震也陽剛失位與前震為不同初爻之 三爻遠于初文者也不若二爻之最近而最恐然 之来行以避之僅以无眚乃怠慢之所自取也 二爻以長男居正得中以厲存心喪見必得三爻 周易總義

金月四月有書 **六五震往来屬億无喪有事** 象曰震往来厲危行也其事在中大无喪也 震之最近者其得喪亦在乎所處之位而已二爻 **浞汪讀為致遠恐混之混以其威極必褻不若初** 間且互坎卦為未光其震遂沿而不釋故曰震遂 之恐懼致吉也 以六居五爻正長子主器之時也五爻與二爻皆 陽方来震所以亨令一陽間于上下四陰文之

媾有言 沙巴马自在事 上六震索索視矍矍征凶震不于其躬于其鄰无咎婚 象曰震索索中未得也雖凶无咎畏鄰戒也 言億无喪象言大无喪皆衆多之事此出而主器 喪七鬯出則可以守宗廟社稷以為祭主之義交 所以尤貴乎恐懼修省也 且成天下大有之事盖居得尊位正所以發明不 以震厲有喪有得五交往来皆厲何以有得无喪 周易聽義

志不相得故曰中未得也索索者氣衰而不振之 貌矍矍者目動而不安之貌将安之乎所以征凶 震不于其躬于其都畏鄰戒而恐懼以臨之是以 文之威僅足以及我之鄰而不能及我之躬故曰 也然尚遠于四爻非岩五爻之鄰于四爻也九四 交乃陰之爻也陰與陽兩相配合婚媾之義不能 雖凶而无咎然而九四之交乃陽之文也上六之 上六交陰柔居震體之極難比于六五交之中而

			ACCT. : E.T. 101	艮	702 100 101		
於此可員 Air 图 周 周 與 此之說聖人觀象設計	艮卦以魚山為止不徒止也止有行之理惟其時	良輔身限腓趾	艮上 艮下		有言此亦必不能免之者矣	恐懼于震来之始迨乎迫之始知所畏宜其婚婦	

金为四人自是 言艮其輔至上九爻則言以厚終由爻義推之固 其腓九三爻言艮其限六四爻言艮其身六五爻 交皆以動體為象初六交言艮其止六二交言艮 為止專于止則止其所未足以明艮止之義故諸 體之全亦為止其所止惟聖人得乎時止時行之 而良以背為主寧非專于止者哉盖人之身惟背 道是以卦中六爻之動隨所感而應之也故曰動 以動體為言動而不適乎時則各囿于一偏非艮

光明艮其止止其所也上下敵應不相與也是以不獲 一家曰艮止也時止則止時行則行動静不失其時其道 艮其背不獲其身行其庭不見其人无咎 次已日月 在時 其身行其庭不見其人无咎也 静不失其時其道光明行于其所當行止于其所 艮卦以止為義卦之定體也卦解不過曰无咎而 見古易按艮其止只依卦解作艮其背 可止行止皆當乃盡艮之道者也 周易總義 Ŧ

金万巴人一 志則出而酬酢萬物之變是為時止則止時行則 止與夫不當止而止者皆非聖人之時以舜之安 謂卦以艮名者時止也盖天下之理几可止而不 已未足以言聖人之止彖辭始發明艮之之一字 應而不相與故曰艮其背背者以相背為義如兩 行動静不失其時其道光明此行止以時乃聖人 汝止言之宜若淡然而無所事者及惟動不應係 之事若言艮其止止其所也上下六位之交皆敵

POR DIE METER **象曰兼山艮君子以思不出其位** 重艮為體無山之象山以静為義是以君子思不 相與之過使之情通此无咎之謂也 者也是以不能隨所感而應之惟能有以補其不 見其人此止其所止之義非聖人時止時行之道 所為者皆位也天下之理初非甚高難行不過君 出其位夫所謂位者凡我所當為而不可過于有 背行則在我不獲其身至于在人則行其庭不 周易糖荚

金丘四库全書 初六良其趾无咎利永貞 象曰艮其趾未失正也 舉趾趾貴乎動而艮止之下動必失正正之于初 往来何有紀極惟能思不出其位則盡我所當為 不出其位者乎然必以思言之思乃出于心憧憧 初六交居卦之下乃足趾之象凡人之行也必先 之理是得其所止者也 止于仁臣止于敬父子止于慈與孝其諸君子思

六二良其腓不抵其隨其心不快 K 0. 10 St Vitte 18 象曰不拯其隨未退聽也 則不果于有行于正為未失何咎之有也然初六 六二爻居艮止之上其象為腓矣腓者足之腹也 正固而有常矣是謂得其所止之理此所以致戒 爻柔順未必能固守其正故利在永于貞蓋貞則 上與股相依股動則腓隨非能自動者也隨乎三 于良之初六爻也 用易機義 ニナニ

九三艮其限列其黄属薰心 象回艮其限危薰心也 接乃柔而不立艮其腓之謂也 能退聽于二是以其心不快凡在下位而上 柔不能拯三而惟志于隨九三爻亦過剛不中不 能以中正拯之則剛而不病于剛今六二爻以除 執其隨謂股也股居下卦之上剛而不中六二爻 而已何以知其所隨在三爻盖咸卦之九三爻言 沙巴马長后等 六四艮其身无咎 有甚于二之心不快也 **夤限與蛋在人身皆為上下之交列而絕之能無** 始或忘心既不安其危特甚此三之言危薰心尤 属乎属既薰心而象辭復謂之危盖人心之天未 際皆接于我而乃能固止其所是謂艮其限列其 無所界于止以敦艮而止三爻下卦之上上下之 九三上九爻皆成艮之主也上九居一卦之極而 周易總義

五年区人一月里 象曰艮其身止諸躬也 僅免于咎故曰无咎也 個者言之則見其背而不見其面故象于諸文之 身之個者也亦艮其背之義不言背而言躬躬猶 足以見其身與不獲其身者為不同然自其身之 六四爻已出下之體而進于上之體在人則為身 下不言止而于此交獨言止者亦止諸躬而已豈 之象文言艮其身而象釋之以止諸躬何也躬即

一六五良其輔言有序悔亡 とこうことにここ 象曰艮其輔以中正也 應之出其言不善則千里之外違之從違之間於 此悔所以能亡者也 辱係馬能无悔乎五爻惟位乎中正觀其輔之所 也言之所自出也夫君子出其言善則千里之外 六五文居尊位而在衆體之上其位為輔輔頻車 止而知其出乎言乃有序是以命令皆得其正當 司易題荒

金定匹庫全書 上九敦艮古 象曰敦艮之古以厚於也 能之此君子之行其所止非厚德不能以有立也 事或廢于久人之所同患也上九能敦厚于終止 夫人之止難于久終故節或移于晚守或失於終 日敦艮盖敦至上九之交乃成卦之主艮之於者 上九交居一卦之極全無山之體夫山者厚也故 也天下惟善終者為難耳晚節不移惟厚德者始


欠かりまれたける 道之至善所以吉也良卦之六交惟此為吉去 其善于守終者也 周易總義 二十五

周易總義卷十四					金江四年全書
					卷十四
`arr v ran ap					

周易總義卷十五

詳校官侍郎臣劉耀雲

校對官編修盛 總校官編修 王熊緒 勝録监生 英胎棟



金五五四五 義推之初六爻言鴻漸于下六二爻言鴻漸于 三爻異體以順為進者也廣平日陸人之所 也 漸之成卦艮下異上上順下止其進以漸漸者進 以止為進者也六四爻言鴻漸于木九五爻言 九三爻則下體之極故言鴻漸于陸此三爻艮體 進不苟于進安恬怡愉常有難進易退之風以爻 漸于陵上九爻則上體之極故亦言鴻漸于陸 卦以女歸為義而及以鴻漸為說以象君子之 全書 泰十 往來 磐

こし していき シャラ 以正邦也其位剛得中也止而異動不窮也 **彖日漸之進也女歸古也進得位往有功也進以正可** 漸 女歸吉利貞 者上九之爻是已盖處上與下兩體之萬而皆擇 者也有在磐之上者九三之爻是已有在陵之上 乃為有序者也漸之為用大矣哉 廣平之地此君子之進所以不茍于進者也其進 獑 卦之為義進也九人之進於您進於事進於位 国易總義

到好四月分書 知其所 位 JE, 女 之得位以 居九三爻自 之為言正也盖以 其進皆以 故口 歸艮之男男在下卦而得其所止女在上 可以正那 進得位往 順 剛 い人 獑 而 而 也以至卦中之諸爻皆正而九五 旅 獑 女 中 為 佳 有 而來 故 卦變釋之自海卦 歸為先女子謂 進故曰女歸 能總衆正以成漸 功也又得位而正故 九四進居九五爻皆為 吉所 嫁日 謂 而來九二進 之功 歸以 利 貞者 日 卦 進 共 以 爻 貞 得 以 而

象曰山上有本漸君子以居賢徳善俗 できるう かん 初六鴻漸于干小子属有言无咎 象日小子之属義无咎也 成亦漸進之義 行之而不迫以此而動動乃不窮也 所止而後優柔異入以善其俗非一朝一夕所能 之上下二體言之內艮止則居之而安外異順則 山上有木艮止而異順也君子自居賢徳先得其 周易總義

金竹四月百十 六二鴻漸于磐飲食行行吉 象曰飲食行行不素飽也 當柔順以待時寧止于此而不可速于進則于義 鴻 乃可以免無咎也 坎之下乃窮迫之地未免厲而有言然在漸之初 在下即隨卦係小子之義小子細人也以干在互 鴻者隨陽之鳥也出必居水初六爻始離水 漸于干干者水之湄也艮屬少男為小子以柔 卷十五 故 日

九三鴻漸于陸夫征不復婦孕不育內利禦寇 爻為互坎體易于凡卦之坎體皆有飲食之家食 時而進于安且固之地故言飲食行行二爻至四 天下矣所以為吉也 不素飽之義也上應九五爻而中正之道可行于 君之禄可飽飲食而已乎彼君子兮不素餐兮即 矣六二爻之柔順中正上應九五爻之君當漸之 六二爻自干而磐磐者大石也漸遠于水安且固

ピューマ 山田 だけい

周易總表

金灰四月全書 象曰夫征不復離羣配也婦至不育失其道也利用 樂冠順相保也 育之象夫征不復則舍初二爻之同體而急于欲 復之象四爻以陰柔為婦而居異之下有婦孕不 象進則難犯故言鴻 之戒盖三爻以陽剛為夫而居艮之上有夫征不 而不中上無應接且在互坎中位止山上有水之 九三爻自磐而陸陸雖廣平而安然九三之才剛 漸于陸正所以為過剛不 中

六四鴻漸于本或得其稱无咎 象日或得其桷順以巽也 順而相保所以為利以是而漸于陸得以止為進 進離羣颸也婦孕不育則比罪于四爻而不由于 六四爻已離艮體而進居異體異為木而居艮山 之義也 正矣失其道也若是者無函得乎然以一陽爻乗 二陰之爻惟可用以禦寇而初六爻六二爻亦以 用易您员 Ā

欽定四庫全書 九五鴻漸于陵婦三歲不孕終莫之勝吉 木樓故或之或之者謂或得方且正之木則可 謂 處近君之地惟正而後可以安其位今四爻乃 為棲止之地耳盖君子之所以進者正而已進而 木之方而正者也鴻之為物 之上故言鴻 體以六居之為順順而 自得安寧之道故日無咎 P! 漸于木或得其桶桶者即粮樣之 及 十五 且異有或得其稱之家 脁 趾而不能握何 類 巽

欠己口事全島 上九鴻渐于陸其羽可用為儀吉 象日終莫之勝吉得所願也 于三四爻者柔邪之道耳但邪不可以勝正惟二 同得其所顏所以吉也 比其交必隅歷三爻而後應是為三歳不孕也然昵 正應也于五爻為婦而上比于三四之爻既于所 五相應不正者豈能問之是謂終莫之勝君臣道 九五爻以陽剛居正鴻之漸于髙陵者也六二爻 周易總義 六

金方四月白雪 象日其羽可用為儀吉不可亂也 陵上磐上其陸亦各有義夫磐上之陸以順 馬將安之乎進至上九爻乃復處于陵上之陸盖 陸者何也九三爻之陸則在磐之上上九爻之 僅足以樂寇陵上之陸人所瞻仰羽儀不亂此 子進退之際有道存馬上九處異體之極而復進 則在陵之上皆廣平之地各安其所處而已盖君 上九爻與九三爻各居兩卦之極而皆言鴻漸于 相 保

歸妹 次定四市全書 者乎以下三爻光體言之初九爻言歸妹以姊則 嗣以妹為娣非也姊謂之勝不謂之歸歸非其嫡 歸妹之成卦光下震上取少女歸長男之象王輔 **于在上位而其德足以儀刑聚展所以吉也** 无攸 震上 歸帝な 期愆 頒 周易納美 兊 幽 F 姊

金りり 言無攸利則以不中為戒此以震動之體而為言 義九四爻言遲歸有時則有所待而後行六五爻 言君之袂不如姊袂之良則以得中為吉上六爻 體而為言也至上三爻震之體而後發明女歸之 也然歸妹卦者乃漸卦之及者也漸卦則正其始 歸以娣則女之有所待而後從嫡者此以名說之 則女之當為嫡而未歸者六三爻言歸妹以須反 女之以娣從嫡者九二爻不言娣與歸而言鄉人 琴十五

彖日歸妹天地之大義也天地不交而萬物不與歸妹 とこうえ こに 柔栗剛也 人之終始也說以動所歸妹也征函位不當也無攸利 妹征凶无攸利 則男女失其正所以為之戒也男女夫婦非天地 大義則男女得其正所以為之勸也歸妹言大義 歸妹卦與家人卦彖皆言天地之大義家人卦言 歸妹卦則戒其終人道可不謹也哉 周易煦美

牵 而陰反在外陽反在內亦不當者也位既不當 矣故自二爻至五爻皆不當位初爻上爻雖得位 所以無攸利然女歸不正之弊僅見于上六之爻 今男上女下以說而動則歸妹盖有不以德選者 之大義乎天地不交而萬物不與此歸妹所以 人道終始之義關雅樂得淑女盖以德選為主也 于欲而失其剛女祖于說而忘其順男女賣亂 征凶又六三之爻六五之爻皆以柔乗剛是男 所 為

金安四月全書

卷十五

象口澤上有雷歸妹君子以永終知敞 C. ... 帲 此之謂 此 不正者人倫之大戒于不正之中而欲反之于正 而前之五爻皆為正禮何也盖正者天地之大義 永其終則當知其敝彖辭所謂歸妹者人之終始 聖人所以發明正家之道甚嚴矣哉 謂 妹者以女從男偕老永終夫婦之常安得有 敞者不正而已以正而行是謂永終君子欲 也 1 周易總義 16 故

初 卸定四厚全書 泉日歸 札 歸妹以娣跛能履征吉 道之常也以從嫡為常而已然初及謂之 PIT 歸 少女則為堅貞之德惟在下無位上無正應自 象也從陽 體毀折 歸 妹卦以兄之少女為主初九爻之陽剛 妹以娣 而上從乎 而 而 動 在震足之下又居下卦之下正有 火人 嫡故言歸妹以姊姊雖 恒也 故 卷十五 跛 踱 而 能履吉 能履上從半嫡而 相承 也 非 有吉 跛者 正亦 得 JE, 足 無 相 ぞ 在

九二眇 T will wet hitele 象日利幽人之貞未變常也 女 以娣而後繼之以 爻 眇 九二爻亦光體之毀折者也互離體為目其象為 承之義也故曰 征吉 在下卦之中位而上又有正應而女之正者 雖陽剛之才在下無位從陽而動故先言歸 陽居中位則 能視利幽人之貞 期易糖表 而能視與初文之跛能履同初 跛能獲在吉不言姊與歸者 ÿ 惟 九

金贝口尼台灣 象日歸妹以須未當也 三歸妹以須及歸以娣 在光體之上正一索而得少女之畫女少則其年 爻乃光體在下少女得位故以從嫡為正六三爻 六三爻與初九爻皆言娣二爻皆從嫡者也初 視而後言利幽人之真也 未變少女之常惟其乗陽未動此所以先言眇 獨此一爻得非女之當為嫡而未歸者乎未歸 能 九 則

九 欠 己口事心情 象日您期之志有待而行也 四 歸妹您期遲歸 歸者也此爻正所以發明少女之意 其國故言反反于國而須其長然後以娣而從 尚 父母之國不與嫡俱行者盖已許其從嫡 如豆 須 歸于紀七年又書叔姬歸于紀釋者謂待年 幼若遽從嫡其位未當姑少須之故日歸 須者待也又日反歸以姊春秋隱公二年書 有時 問易題美 ± 而 留 妹 例 于 于 伯 以

六五帝乙歸妹其君之袂不如其姊之袂良月幾望古 金灯口 象日常乙歸妹不如其娣之袂良也其位在中以貴 震也而九四爻猶在震體之下未及中春之正進 歸有時則其禮有所待而行凡進非其時無以 也而婚姻為愆期盖婚姻之期當在中春中春者 歸之時也九四爻以震體居名體之上夫名正 合行其志此 妹卦之下三爻名體為少女上三爻震體則 The state of the s 歸妹所以貴乎時也 卷十五 女 遇

帝女下嫁之義故曰帝己歸妹也盖歸妹卦自泰 五爻君位也以六居之在歸妹之時是為小君 取

帝乙歸妹則與歸妹卦之六五同辭其袂不如 袂之良豈娣之求勝于嫡者哉夫貴女之歸以德 卦變升降者三爻四爻兩爻而已泰卦之六五言

娣

というましたり 而進御于君者娣也六五爻在中位有進賢之德

闹易糖表

<u>‡</u>

為節而不以服之節為美衣之襲曰秋美其服

上六女承筐无實士刲羊无血无攸利 **聚日上六无實承虚筐也** 言夫婦而言士女女未嫁者也士未娶者也說者 乎謙五之髙貴不至于盈故曰月幾望吉 矣幾望者則月猶為未盈耳盖婦道戒乎盈而貴 無忌妬之心 謙以下人以 相夫子得在中以貴行 上六爻歸妹卦之終者也善終者必戒乎始故不 之義故日月幾望月望者則陰之威也而敵乎陽

金灰四盾全書

震體有筐之象六三爻以互離承之為無實歸妹 寶無血何以謹始士女不戒其始則夫婦為不終 祭祀之義左氏載晋伯姬之益嫁其叙承筐刲羊 謂承筐到羊為奉祭祀未娶未嫁之時則未有奉 無血上六爻與三四爻不相吃應無實無血也無 婦合也有同年之禮即士到羊也歸妹之上卦為 為甚明盖婦見舅好有東東之贄即女承管也夫 之下卦為光體有羊之象九四爻以互坎承之為

とこう早から

問易總義

豐 金分四個 盖天下無常豐之理明極必晦威極必衰,于震離 何所利哉此君子所以贵乎永終知敞 豐之成卦離在下震在上以明向動為豐之象也 一卦可以推之初九爻為離明之方來以遇配主 屋 震 章 Ŀ 主遇夷 沛 卷十五 離 邿 F ŧ 週配

2 ... 17 met 2.1 *.10 豐亨王假之勿憂宜日中 理聖人盡保豐之道豐之所以亨也敷 必褻之義也明晦威褻即卦象所謂盈虚消息之 九三爻則離明之已極以折其右肱而無咎此明 而吉六五爻則震動之中正以來章有慶譽而吉 極必晦之義也九四爻則震動之方至以遇夷主 而有尚六二爻則離明之中正以有孚發若而吉 上六爻則震動之已極以三歲不覿而玄此威極 同易總義

而况於人乎况于思神乎 **彖曰豐大也明以動故豐王假之尚大也勿憂宜日** 銀灰四月全書 冝照天下也日 中則是月盈則食天地盈虚與時消息 復所以見天下無常豐之理能無憂乎故言王 豐之所以亨者大也離明而震動所以極乎大卦 自泰變以二爻易四爻則泰之無平不陂無往不 大是以勿憂盖震下之離為日之未中日未中則 之假至也惟六五爻足以當此極其所至所尚者 假 中

大三日日といれ 象日雷電皆至豐君子以折獄致刑 並行的以為皆至而不復思其所未至則明極 豐卦言雷雷皆至何那當豐之時固貴乎明威之 豐卦與噬嗑卦皆以雷電為象噬嗑卦言雷電而 以天地神人言之夫天地神人猶戒乎盈則知聖 與是月之盈與食乃天地盈虚與時消息之常故 有正中之理此所以宜日中宜照天下然日之中 人保豐之道不可忽者也 周易總長

金竹口尼台書 初九遇其配主雖自無咎往有尚 象日雖自无咎過旬災也 于是有戒之之辭知其易晦易褻而盡心馬然後 晦而折獄或至于枉威極必褻而致刑或至于濫 豐戒之於後其用一也 折獄致刑可以言雷電皆至之義噬嗑謹其始而 初九爻與九四爻本非正應而謂九四爻為配主 鄭本以旬為均晁古易按旬古文均字

てこう時によう 共濟是謂無各往 有尚也 故皆以主為言雖自無咎旬即均字不可過于均 配遇下為夷上下二文明與動相須莫適為尊早 者同德相求之故也豐者大也二陽爻俱大 為同 夫也奇寧非災乎是以君子 處之勢均則與 配主 爾均則明動相等是謂雷電皆至若明過于動其 亦猶初九爻為夷主夷者等也配者偶也遇上為 **德不期而會為遇故曰遇其配主九四爻為配主** 周易總義 t

六二豐其部日中見斗往得疑疾有孚發若吉 金定四月全書 象日有孚發若吉信以發志也 則日失其明不可往而從之往則疑而致疾惟 無所用故指五爻為部部者障蔽之物又言日 六二爻居中得正為明之主而六五爻不相應 見斗斗亦五之君位日 中豈有見斗之理乎 見斗 虚中受人而六二爻亦以中正相孚為信信以 君子若不得其君則以至誠感發其心六五爻 古 中 眀

1. 10 IBL /1110 九三豐其沛日中見沫折其右肱无咎 象曰豐其沛不可大事也折其右肱終不可用也 豐而見亦當畫而見沫所明者鳥可大事哉以 體之民與光言之是為折其右肱人之一身有右 正應而柔閣居震之極動極必止是以九三爻當 釋文沛作斾幡慢之類沫昧小星之類 發志斯有孚而吉者矣 九三爻以陽剛居離體之上明之極也上六爻雖 Ŋ 朋易抛养 ŧ 互

銀穴四盾全書 九四豐其部日中見斗遇其夷主古 象日豐其部位不當也日中見斗幽不明也遇其夷 主吉行也 四爻不中不正本無致吉之理惟遇初九爻為夷 在上文非三之咎也 有左左不如右之力折右肱而終不可用其過皆 爻以重陰無應而得中居正故有孚發若而吉 九四爻言豐其部日中見斗與六二爻同象六二 九

とこの事人は 六五來章有慶譽吉 象曰六五之吉有慶也 皆為邪層所敵故有貴乎來章章者謂章而題 得中而動足以得衆賢之助初爻二爻三爻四爻 六五爻以陰柔在上而足以致豐何也居豐之世 以亦能致吉者耳 九四爻之下行從初九爻甚得明動相須之義所 主初九爻亦遇九四爻為配主二者均為陽剛而 周易雄義

上六豐其屋部其家閥其户關其無人三歲不覿內 金岁四月月 象曰豐其屋天際朔也闚其户閒其無人自藏也 自為計則是矣然而天下之理必反雖欲自厚何 際朔之象其欲無厭又將部其家以為障蔽之私 上六爻以陰柔居豐之極而不知止有豐其屋天 慶宜其有吉者也 之蔽以章聚賢之善于是有得賢之譽有任賢之 也又自上而下日來六五爻能屈已而來杜羣賢 THE PERSON NAMED IN COLUMN

Caldinat Like 旅 藏是以三歲不覿而 也正序卦所言窮大者必 失其居其豐終之戒乎 放之成卦艮體居下離體居上止而麗乎外為放 以能人要其終必至于關其户關其無人乃始退 븵 焚 離 維射 上 處于 次焚 周易總義 尺 次即 琐琐 九

金分四屆全書 象言射雉一天亡不可以 旅而名然則上九爻何 書天王出居于鄭是以言出而不言放其他國君 爻言旅于處達而在上之旅者也若六五爻為 者也六二爻言旅即次九三爻言旅焚其次九 放之名為不一初六爻言旅瑣瑣窮而在下之旅 徒失國失位而羁寓于外者以卦之六爻推之則 以獨言旅人盖甚之馬旅而不歸旅人而已春 之象旅非古也其殆起于三代之衰國君公子之 君 秋 四

小亨旅貞吉也旅之時義大矣哉 とこう 見から **彖曰旅小亨柔得中乎外而順乎剛止而麗乎明是以** 旅小亨旅貞吉 剛是以說而麗乎明所以言小事吉旅亦得中乎 ዖት 旅 秋一字之嚴則易之書旅為尤嚴也 公子在內口孫在外口奔有是非順逆存馬知春 雖與剛非應而能順剛于外是以止而麗乎 卦與暌卦同義暌之亲進而上行得中而應乎 用为超着

軍好四月全書 象日山上有火旅君子以 時義所以為大也旅亦所以難處也 窮旅亦足以致豐盡負吉之道則不持干小 盡貞之道旅貞吉而已然而旅復言時義之為大 者盈虚消息不可常也放卦者豐卦之反也日 陰柔用事心贵乎貞貞則柔順可以亨而未足以 則是月盈則食豐既足以致旅日往月來終始不 亦所以小亨既曰旅小亨矣又曰旅貞吉者旅 * 明慎用刑而不留 貀 放之 中 以

欠己可申心方 初六旅瑣瑣斯其所取災 象日放瑣遺志躬災也 用 旅卦之為象火明而山止也君子觀其象明以象 豫人情始順今乃屑屑惟細 初六爻以陰柔失位而在下困于旅者也寬和暇 離之火慎以象艮之山山非火之所留是以明慎 而致富息夫躬寄丘亭而祝盗故曰旅瑣瑣也正 刑而不留獄 F 周易維長 故是計如慶封奔吳

六二旅即次懷其資得童僕貞 金灾四月全書 象日得童僕貞終无尤也 秦馬即次而安者也齊妻之馬楚饗之馬秦納之 六二爻即公侯大臣之顯而在旅者也以六居二 自取志窮災也 應在九四爻四爻在離之下為災災自外來乃所 之日得童僕昔晋文公之奔也至齊馬至楚馬至 日即次二爻得其中日懷其資初六爻在下而比 整十五

欠已四年八十三日 九三旅焚其次丧其童僕貞厲 祭白旅焚其次亦以傷矣以旅與下其義喪也 處旅之善者也放而亨者也 重而六二爻以中正處之斯謂之貞其終無尤也 為用者也有是三者處旅不困而象以得童僕為 馬懷其資而裕者也言腹心則子犯之徒言股 則魏犨之徒言紀綱則秦之三千人得其童僕以 九三爻亦公侯大臣之顯而在旅者也居下卦之 周易總義 Ī 肱

九四旅于處得其資斧我心不快 金女四月不言 象日旅于處未得位也得其資斧心未快也 焚旅焚其次亦已傷矣乃以旅與下童僕下也其 僕乃旅之所依我以旅與之彼亦以旅而視我宜 義為丧會那公之在乾侯也季孫欲與之歸國而 乎喪其童僕雖貞而厲也 公不見魯人歸馬而公執之非丧其童僕乎夫童 重剛而不中有多上人之心且近離體之火為 卷+

た三日日本 資斧我心不快也象言心未快則終可得志此所 利為用而上無陽剛之助下無陰柔之應雖得其 四爻以剛處柔而得其順故得離戈兵為斧以剛 三爻証之九三以剛處剛而不能全其剛故喪九 也以其近君之位而旅于內得所處之地故日 以優于三爻而劣于二爻也 于處其鄭厲公在標衛獻公在夷儀之時平以 九四爻在下卦之上亦公侯大夫之顯而在旅者 用易趣義 旅

一金万四定了言 六五射雅一天亡終以譽命 象日終以譽命上建也 有射雄一天亡之象也夫亡所以為旅一矢亡而 所丧甚少是以終有譽命譽在人者也命在天者 六五爻君位也旅卦之諸爻皆言旅而六五爻獨 矢亡盖周召以田乃取諸離又離體之文明為 少康周之宣王則六五爻之在旅者故曰射 不言旅者君位不當有旅君位果無旅乎盖夏之 难 雉

スペンフ 油しいい 上六鳥焚其巢旅人先笑後號哪喪牛于易內 **彖曰以旅在上其義焚也丧牛于易終真之聞也 凢宅危以為安者鳥之巢也放冝在下而異順今** 也天人之應在我而已五在上而逮乎下也二在 上九爻以剛居上而失其所處矣則有所處無所 下以誠心相與故言上逮 為雉為火于木為科上槁皆俱是象始馬宅危以 止也又在離體之上故有鳥焚其巢之象馬夫離 問易總人

金近四月全書 周易總義卷十五 號啡矣 牛處上之窮丧牛于易謂忽易以失其順也且至 故又言丧牛于易夫牛者順物也在離之體為北 終莫之聞其函可知也便自覺知則不至于極而 則有終身旅人之理乃夏之太康周之厲王是己 盖旅卦之諸爻不言旅人而上九爻獨言旅人者 為安則先突終馬在上而失其所處則後號啡矣